

Ture Mo Nga Wahi Tuunga Kura Maori.

WHAKAWHAITITANGA.

- Ingoa.
- Ingoa Poto.
- Ka tika kia whakaaetia e nga Maori he whenua hei tuunga kura. Me kimi nga take ki te whenua. Ko nga korero whakahoki me ki kia mana. Ka tukua te whenua ki a te Kuini.

HE TURE hei hanga tikanga mo nga wahi Tuunga Kura Maori.

NA KA MEINGATIA HEI TURE e te Runanga Nui o Niu Tireni e noho huihui ana i roto i te Paremete i runga hoki i te mana o taua Runanga nga Whakaritenga ka whakaaturia i raro iho nei:—

- Te Ingoa Poto o tenei Ture ko "Te Ture Whakarite Wahi Tuunga Kura Maori, 1880."
- Mehemea ka whakaae etahi Maori ki te wehe ke i tetahi piihi whenua a ratou kua e nui ake i te kotahi tekau eka hei tuunga kura, ko te take ki taua wheuua kaore ano kia whakawakia e te Kooti Whenua Maori, ka ahei te Kawana ki te whakatu i tetahi tangata tika hei kimi i te take a nga Maori ki taua whenua, me te whakaae ano hoki o aua tangata ki te tuku pera i te whenua.

Me whakarite e taua tangata tetahi wahi tu tata ki te whenua hei korero i taua mea, me matua panui ki roto ki te nupepa kia mohiotia ai.

Ko nga korero whakarite a taua tangata, ki te mea ka whakaaetia e te Kawana, me waiho hei kupu tuturu whakaoti rawa mo runga i taua whai taketanga me te whakaaetanga, a me panui ki roto ki te *Kahiti* a te Kawanatanga kia tika ai.

Ko taua whenua ka tukua rawatia i reira ki a te Kuini me ona uri me ona kai-whakakapi timata mai i te ra i panuitia ai, hei wahi tuunga mo te kura e korerotia ana i roto i te korero whakarite a taua tangata, kua rawa mo tetahi atu mea.